

21030035				JU "Gazi Husrev-Begova medresa"	
21030035	6112	LCA0H3	092	Naknade za regres za godišnji odmor	4.836
22020001				JU "Narodno pozorište"	
22020001	6112	MBA003	082	Naknade za regres za godišnji odmor	7.170
22020005				JU "Sarajevski ratni teatar"	
22020005	6112	MFA003	082	Naknade za regres za godišnji odmor	1.418
22020008				JU "Kantonalni zavod za zaštitu kulturno-historijskog i prirodnog naslijeđa Sarajevo"	
22020008	6112	MIA003	082	Naknade za regres za godišnji odmor	1.124
22020009				JU "Historijski arhiv Sarajevo"	
22020009	6112	MJA003	082	Naknade za regres za godišnji odmor	363
22020010				JU "Collegium artisticum"	
22020010	6112	MKA003	082	Naknade za regres za godišnji odmor	321
22020011				JU "Biblioteka Sarajeva"	
22020011	6112	MLA003	082	Naknade za regres za godišnji odmor	3.103
				Kantonalna javna ustanova-Dom za djecu bez roditeljskog staranja	
23050001	6112	NEA003	104	Naknade za regres za godišnji odmor	2.167
				Kantonalna javna ustanova-Odgojni centar Kantona Sarajevo	
23060001	6112	NFA003	107	Naknade za regres za godišnji odmor	74
				Javna ustanova Terapijska zajednica-Kampus Kantona Sarajevo	
23070001	6112	NGA003	107	Naknade za regres za godišnji odmor	8.059
33010003				Kantonalna javna ustanova za zaštićena prirodna područja	
33010003	6112	YBA003	054	Naknade za regres za godišnji odmor	18.248
35010001				Ministarstvo za nauku, visoko obrazovanje i mlade Kantona Sarajevo	
35010001	6112	QAA003	098	Naknade za regres za godišnji odmor	1.961
35020003				Univerzitet u Sarajevu-Akademija scenskih umjetnosti	
35020003	6112	QBA013	094	Naknade za regres za godišnji odmor	2.236
35020010				Univerzitet u Sarajevu-Fakultet političkih nauka	
35020010	6112	QBA043	094	Naknade za regres za godišnji odmor	6.251
35020011				Univerzitet u Sarajevu-Fakultet za saobraćaj i komunikacije	
35020011	6112	QBA048	094	Naknade za regres za godišnji odmor	3.164
35020012				Univerzitet u Sarajevu-Fakultet zdravstvenih studija	
35020012	6112	QBA053	094	Naknade za regres za godišnji odmor	10.579
35020013				Univerzitet u Sarajevu-Farmaceutski fakultet	
35020013	6112	QBA058	094	Naknade za regres za godišnji odmor	2.995
35020014				Univerzitet u Sarajevu-Filozofski fakultet	
35020014	6112	QBA063	094	Naknade za regres za godišnji odmor	12.004
35020020				Univerzitet u Sarajevu-Poljoprivredno-prehrambeni fakultet	
35020020	6112	QBA088	094	Naknade za regres za godišnji odmor	2.573
35020021				Univerzitet u Sarajevu-Pravni fakultet	
35020021	6112	QBA093	094	Naknade za regres za godišnji odmor	10.680
35020027				Univerzitet u Sarajevu-Institut za genetičko inženjerstvo i biotehnologiju	
35020027	6112	QBA0C3	094	Naknade za regres za godišnji odmor	6.356
35020028				Univerzitet u Sarajevu-Institut za historiju	
35020028	6112	QBA0C8	094	Naknade za regres za godišnji odmor	1.302
35020029				Univerzitet u Sarajevu-Institut za istraživanje zločina protiv čovječnosti i međunarodnog prava	
35020029	6112	QBA0D3	094	Naknade za regres za godišnji odmor	4.911

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-32671-8/24

13. juna 2024. godine
Sarajevo

Premijer
Nihad Uk, s. r.

Ministarstvo za boračka pitanja Kantona Sarajevo

Na osnovu člana 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 74. stav (5) Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19), člana 76. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", br. 49/05 i 103/21), člana 34. stav (1) Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa ("Službene novine Kantona Sarajevo", br. 39/16 i 10/17), člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12 i 39/16) i člana 29. stav (1) Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici ("Službene novine Federacije BiH", br. 69/05 i 29/06), ministar za boračka pitanja Kantona Sarajevo, uz saglasnost Vlade Kantona Sarajevo, donosi

PRAVILNIK

O IZMJENAMA I DOPUNI PRAVILNIKA O UNUTRAŠNJOJ ORGANIZACIJI MINISTARSTVA ZA BORAČKA PITANJA KANTONA SARAJEVO

Član 1.

(Izmjena člana 9.)

U Pravilniku o unutrašnjoj organizaciji Ministarstva za boračka pitanja Kantona Sarajevo, broj 06-02-34045/16 od 30.11.2016. godine, broj 06-02-26189/19 od 27.06.2019. godine, broj 06-02-38279/19 od 23.10.2019. godine i broj 06-02-11748/22 od 21.03.2022. godine, u članu 9. broj "30" zamjenjuje se brojem "31" i broj "18" zamjenjuje se brojem "19".

Član 2.

(Izmjena člana 14.)

U članu 14. u stavu (4) brišu se riječi: "odsjek socijalni rad".

Član 3.

(Izmjena člana 17.)

Član 17. mijenja se i glasi:

"Član 17.

(Radno mjesto Stručni saradnik za aktivnosti realizacije kalendara za obilježavanje značajnih događaja, datuma i ličnosti 1941-1945. i 1992-1995. godine)

- (1) **Naziv radnog mjesta: Stručni saradnik za aktivnosti realizacije kalendara za obilježavanje značajnih događaja, datuma i ličnosti 1941-1945. i 1992-1995. godine**

- (2) **Opis poslova:** Vršiti administrativne i stručne poslove koji se odnose na:

- a) prati aktivnosti utvrđene Kalendarom za obilježavanje značajnih događaja, datuma i ličnosti

- iz perioda narodno-oslobodilačkog rata 1941-1945. godine na području Kantona Sarajevo,
- b) prati aktivnosti utvrđene Kalendarom za obilježavanje značajnih događaja, datuma i ličnosti iz perioda odbrambeno-oslobodilačkog rata 1992-1995. godine, na području Kantona Sarajevo,
 - c) prati i koordinira aktivnosti utvrđene posebnim aktom u Kantonu Sarajevo kojim je utvrđen redoslijed nosioca aktivnosti obilježavanja prema stepenu njihove odgovornosti,
 - d) priprema i koordinira aktivnosti između nosilaca obilježavanja, te učestvuje u izradi programa obilježavanja za svaki događaj, datuma i ličnost pojedinačno, ukoliko se ova obaveza odnosi na institucije Kantona Sarajevo,
 - e) evidentira nosioce i načine obilježavanja, te im pruža administrativnu i stručnu pomoć u realizaciji obilježavanja,
 - f) koordinira po potrebi između više nosilaca obilježavanja u odnosu na jedan događaj, aktivnost i ličnost,
 - g) daje prijedloge, preporuke i administrativnu podršku Odboru za obilježavanje značajnih događaja, datuma i ličnosti utvrđenih kalendarima,
 - h) ostvaruje saradnju sa drugim institucijama i stručnim službama koje su imenovane u kalendarima kao jedni od nosioca obilježavanja značajnih događaja, datuma i ličnosti,
 - i) učestvuje u ostalim poslovima iz djelokruga Sektora za boračko-invalidsku zaštitu, odnosno obavlja i druge poslove koje mu odredi ministar i pomoćnik ministra, za svoj rad odgovara pomoćniku ministra.
- (3) U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.
- (4) **Uslovi za vršenje poslova:** Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova završen Fakultet za javnu upravu, jedna godina radnog staža u struci, položen stručni ispit ili za namještenika organa državne službe koji je stekao VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja, najmanje pet godina radnog iskustva u organima državne službe nakon položenog stručnog ispita za namještenike u organima državne službe i položen stručni ispit.
- (5) **Vrsta djelatnosti:** Osnovne djelatnosti.
- (6) **Naziv grupe poslova:** Stručno-operativni poslovi.
- (7) **Složenost poslova:** Složeni.
- (8) **Status izvršioca:** Državni službenik.
- (9) **Pozicija radnog mjesta:** Stručni saradnik.
- (10) **Broj izvršilaca:** 1 (jedan).

Član 4.

(Dopuna člana)

Iza člana 31. dodaje se novi član 31a. koji glasi:

"Član 31a.

(Radno mjesto Stručni saradnik za opće, administrativne i poslove informisanja)

- (1) **Naziv radnog mjesta:** Stručni saradnik za opće, administrativne i poslove informisanja
- (2) **Opis poslova:** Vršiti opće i administrativne poslove vezane za izvan organizacionu jedinicu, koji se odnose na:
- a) vrši poslove interne i eksterne komunikacije, pripremanje i obrada informacija, izvještaja i drugih materijala iz nadležnosti Ministarstva u cilju objavljivanja u medijima,
 - b) saradnja sa sredstvima javnog informisanja, pripremanje važnih saopštenja i informacija o radu Ministarstva za objavu na web stranici,
 - c) učestvuje u pripremi organizovanja javnih nastupa,
 - d) saraduje u pripremi programa i organizaciji službenih putovanja u zemlji i inostranstvu,
 - e) vrši organizovanje sastanaka sa odgovarajućim institucijama i kompanijama,
 - f) obavlja poslove na pripremi i organizaciji obilježavanja značajnih datuma i događaja iz odbrambeno-oslobodilačkog perioda u dijelu koji se odnosi na program i prezentaciju,
 - g) priprema materijal za medijske nastupe i medijsku komunikaciju, obrađuje određene podatke za vršenje pojedinih informaciono-dokumentacionih poslova,
 - h) učestvuje u obradi predmeta po zahtjevima za pristup informacijama kojim raspolaže Ministarstvo za boračka pitanja, obavlja i druge stručne poslove koje mu odredi ministar i sekretar Ministarstva, a za svoj rad odgovara ministru i sekretaru ministarstva.
- (3) U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.
- (4) **Uslovi za vršenje poslova:** Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova završen Fakultet političkih nauka smjer žurnalistika/komunikologija, jedna godina radnog staža u struci, položen stručni ispit ili za namještenika organa državne službe koji je stekao VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja, najmanje pet godina radnog iskustva u organima državne službe nakon položenog stručnog ispita za namještenike u organima državne službe, poznavanje rada na računaru, poznavanje engleskog jezika i položen stručni ispit.
- (5) **Vrsta djelatnosti:** Osnovne djelatnosti.
- (6) **Naziv grupe poslova:** Stručno-operativni poslovi.
- (7) **Složenost poslova:** Složeni.
- (8) **Status izvršioca:** Državni službenik.
- (9) **Pozicija radnog mjesta:** Stručni saradnik.
- (10) **Broj izvršilaca:** 1 (jedan).

Član 5.

(Izmjena više članova)

U cijelom tekstu Pravilnika o unutrašnjoj organizaciji riječi: "Javna Ustanova "Fond Memorijala Kantona Sarajevo""

zamjenjuju se riječima: "Javna ustanova "Memorijalni centar Sarajevo"".

Član 6.

(Stupanje na snagu Pravilnika)

Ovaj Pravilnik stupa na snagu danom dobijanja saglasnosti od Vlade Kantona Sarajevo, a objavit će se u "Službenim novinama Kantona Sarajevo".

Broj 06-02-29863/24

22. maja 2024. godine

Sarajevo

Ministar

Dr.sc. **Omer Osmanović**, s. r.

Na ovaj Pravilnik Vlada Kantona Sarajevo dala je saglasnost na 41. sjednici održanoj 13.06.2024. godine, Odlukom, broj 02-04-32671-3/24 od 13.06.2024. godine, a u skladu sa članom 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05).

GRAD SARAJEVO

Gradonačelnik

Na osnovu člana 78., a u vezi sa članom 79. Statuta Grada Sarajeva ("Službene novine Kantona Sarajevo", broj 7/23) i člana 12. Odluke o izvršavanju Budžeta Grada Sarajeva za 2024. godinu ("Službene novine Kantona Sarajevo", broj 55/23), gradonačelnica Grada Sarajeva donosi

ODLUKU

O UNOSU UPLAĆENIH TRANSFERA U BUDŽET GRADA SARAJEVA ZA 2024. GODINU

I

Odobrava se unos primljenih tekućih transfera u Budžet Grada Sarajeva za 2024. godinu kako slijedi:

- Odobrava se unos sredstava (primljeni tekući transferi od Kantona Sarajevo 732 114) u Budžet Grada Sarajeva za 2024. godine u iznosu od 75.000 KM, koja su Gradu Sarajevo doznačena od strane Turističke zajednice Kantona Sarajevo na osnovu potpisanog Ugovora broj 01/07-11-6740/23 Sredstva će se evidentirati na:

Org.jednica	Naziv gradske službe	Konto prihoda	Konto rashoda	Izvor	Iznos KM
10010004	Gradska služba za lokalno poslovanje	732 114 Primljeni tekući transferi od Kantona	613900 - Doček Nove godine	50	75.000,00

II

Gradska služba finansija će evidentirati i proknjižiti uplaćena sredstva kako je i naznačeno, te vršiti plaćanja na zahtjev i po nalogu nadležne službe.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/07-11-6740-1/23

12. juna 2024. godine

Sarajevo

Gradonačelnica

Grada Sarajeva

Prof. dr. **Benamina Karić**, s. r.

OPĆINA CENTAR SARAJEVO

Općinski načelnik

Na osnovu člana 69. Statuta Općine Centar Sarajevo, Prečišćeni tekst ("Službene novine Kantona Sarajevo", broj 23/04) i člana 23. i 25. Odluke o izvršavanju Budžeta Općine Centar Sarajevo za 2024. godinu (broj 11/24 i 18/24), a u skladu sa Odlukom o utvrđivanju kriterija za korištenje

sredstava tekuće rezerve (broj 10-49-2195/15 od 15.11.2015. godine), općinski načelnik donosi

ZAKLJUČAK

Raspoređuju se sredstva tekuće rezerve Budžeta Općine Centar Sarajevo za 2024. godinu u neto iznosu od 1.500,00 KM na ekonomski kôd 614239, funkciju 0860, fond 012, projekt 2.4.2.3. za podršku u štampanju knjige mlade autorice Farah Trešnjo.

Korisnik sredstava Farah Trešnjo je obavezna dostaviti Službi za obrazovanje, društvene djelatnosti, kulturu i sport Općine Centar Sarajevo detaljan izvještaj sa svom potrebnom dokumentacijom o namjenskom utrošku sredstava u roku od 30 dana od dana realizacije projekta, a najduže do 31.12.2024. godine.

Zadužuje se Služba za finansije Općine Centar Sarajevo za finansijsku realizaciju ovog zaključka i obračun pripadajućeg poreza na dohodak.

Zaključak o rasporedu tekuće rezerve stupa na snagu danom potpisivanja, a objavit će se u "Službenim novinama Kantona Sarajevo".

Broj 13-11-4133/24

12. juna 2024. godine

Sarajevo

Općinski načelnik

Srdan Mandić, s. r.

OPĆINA ILIDŽA

Općinski načelnik

Na osnovu člana 90. Statuta Općine Ilidža - Prečišćeni tekst ("Službene novine Kantona Sarajevo", broj 33/10 i 18/16), člana 26. Uredbe sa zakonskom snagom o ustanovama ("Službeni list RBiH", broj 6/92, 8/93 i 13/14), i člana 15. Odluke o osnivanju Javne ustanove "Kulturno-sportski centar" Ilidža, općinski načelnik donosi

RJEŠENJE

O RAZRJEŠENJU UPRAVNOG ODBORA JAVNE USTANOVE "KULTURNO - SPORTSKI I REKREACIONI CENTAR" ILIDŽA

I

Razrješava se dužnosti Upravni odbor Javne ustanove "Kulturno-sportski i rekreacioni centar" Ilidža i to:

- Adis Mujezinović**, predsjednik
- Armin Karamustafić**, član
- Dino Hadžić**, član
- Damira Vranešić Hadžimehmedović**, član
- Ehlimana Kurspahić**, član,

koji su imenovani rješenjem Općinskog načelnika broj 07-04-2709/23 od 05.04.2023. godine.

II

Rješenje o imenovanju Općinskog načelnika broj 07-04-2709/23 od 05.04.2023. godine prestaje da važi, zbog lošeg poslovanje JU "KSiRC" Ilidža.

III

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 07-04-4847/24

12. juna 2024. godine

Ilidža

Općinski načelnik

Nermin Muzur, s. r.